

Naqqiut 2

Naqqiut 20. marts 2014-imik ulluligaq taarserpaa.

(Taaguutaani ukioq ilanngunneqarpoq, aamma § 1, nr. 7-ip oqaasertalenera allanngortinneqarpoq)

Siunnersuut uunga: Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata nr. 6 5. december 2008-meersup allanngortinnissaa pillugu Inatsisartut inatsisaat nr. xx, xx. 2014-meersoq

(Kalaallit Nunaata Aatsitassarsiornermi Aningaasaateqarfiata isertitamigut tunngavigisai aamma Inatsisartut inatsisaata atuutilerfia)

§ 1

Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaat nr. 6, 5. december 2008-meersumi makkuninnga allannguuteqartoqassaaq:

1. Inatsisartut inatsisaanni (qallunaatuani) tamarmi ”Landsstyret” ”Naalakkersuisut”-nut, aamma ”Landsstyrets” ”Naalakkersuisuts”-imut allanngortinneqassaaq.
2. Inatsisartut inatsisaanni (qallunaatuani) tamarmi ”Landstinget” ”Inatsisartut”-nut, aamma ”Landstingets” ”Inatsisartuts”-imut allanngortinneqassaaq.
3. Inatsisartut inatsisaanni tamarmi ”namminersornerusut” ”namminersortut”-nut allanngortinneqassaaq, aamma § 6, *imm. 6-imi* ”Namminersornerullutik Oqartussat” ”Namminersorlutik Oqartussat”-nut allanngortinneqassaaq.
4. § 3, *imm. 3-p* kingorna naggatip kingulliup kingornatigut nutaatut naggatiligassaaq ilanngunneqassaaq:
”Aatsitassanit isertitanut ilaanngillat timitalittut pigisat nalillit, soorlu uuliakoornepup akiorniarnissaanut atortut, illut, allalluunniit sanaartukkat atortussiallu.”
5. § 36, *imm. 2* imatut oqaasertalernerqassaaq:
”*Imm. 2.* Aningaasaateqarfiup naatsorsuutaanik kukkunersiuineq aamma Namminersorlutik Oqartussat naatsorsuisarfiat il.il. pillugit Inatsisartut inatsisaanni maleruagassat naapertorlugit suliarineqassaaq.”

6. § 44, *imm. 1* imatut oqaasertalerneqassaaq:

”Aningaasaateqarfiup atorunnaarsinnera taamaallaat Inatsisartut inatsisaatigut pisinnaavoq”.

7. § 50 imatut oqaasertalerneqassaaq:

“ § 50 Inatsisartut inatsisaat atuutilissaaq 1. januar, ukiumi tulliuttumi Inatsisartut landskarsip naatsorsuutaanik ukiuni marlunni tulleriinni akuerinninnerannit, tassani ukiumi naatsorsuuseriffiusumi aatsitassanit isertitat 10 millioner koruunit sinnersimaneri ilaassallutik, imaluunniit Naalackersuisut erseqqinnerusumik aalajangersaanera naapertorlugu piffissami siusinnerusukkut.

Imm. 2. 1. januar 2015-imi atuutilersumik *imm. 1*-imi ukiumoortumik 10 millioner koruuninik aningaasat taaneqartut ukiumi pineqartumi aningaasanut inatsisaanni nalinginnaasumik akit aningaasarsiallu inissisimaffiini qaffakkiartornermut naapertuutsisisumik iluarsineqartassaaq.

Imm. 3. *Imm. 1*-imi piunasaqaat eqquutsinneqareerpat inatsisartut inatsisaata atuutilerfia pillugu Naalackersuisut nalunaarummik saqqummiussissapput.”

§ 2

Inatsisartut inatsisaat 1. juli 2014-imi atuutilissaaq.

Namminersorlutik Oqartussat, ulloq yy. xx 2014

Aleqa Hammond